

ხელშეკრულება სახელმწიფო შესყიდვის შესახებ №

ქ. ქუთაისი

2021 წ.

ხელშეკრულების დადების საფუძველია ააიპ ქალაქ ქუთაისის ბაგა-ბაღების გაერთიანების მიერ ჩატარებული ელექტრონული ტენდერი №**1. ხელშეკრულების დამდები მხარეები**

ერთი მხრივ, ქალაქ ქუთაისის მუნიციპალიტეტის ააიპ ბაგა-ბაღების გაერთიანება, შემდგომში „შემსყიდველი“, მისი დირექტორის დავით წიტიშვილის სახით და

მეორეს მხრივ _____, (შემდგომში „მიმწოდებელი“) წარმოდგენილი მისი დირექტორის _____ სახით, (მისამართი: _____), სახელმწიფო შესყიდვების შესახებ კანონის და პრეტენდენტის (მისი დასახელება) სატენდერო წინადადების საფუძველზე, ერთეულოვანი გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი და კლასიფიკატორის კოდი

2.1 ააიპ „ქალაქ ქუთაისის ბაგა-ბაღების გაერთიანების“ ფილიალებისათვის **სანტექნიკური მოწყობილობების** შესყიდვა. მიმწოდებელი მიაწვდის, ხოლო შემსყიდველი შეისყიდის დანართ №1-ში **სანტექნიკური მოწყობილობებს**, დანართი №1 წარმოადგენს ხელშეკრულების განუყოფელ ნაწილს;

2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით გათვალისწინებული პირობების დაცვით.

2.3. მიმწოდებელი იღებს ვალდებულებას უზრუნველყოს ხელშეკრულებით გათვალისწინებული საქონლის ჯეროვანი მიწოდება, წინამდებარე პირობების შესაბამისად;

2.4 კლასიფიკატორის კოდი –44411000.

3. ხელშეკრულების ღირებულება

3.1 ხელშეკრულების ჯამური ღირებულება შეადგენს ----- ლარს.

3.2 ხელშეკრულების ღირებულება მოიცავს საქონლის მიწოდებასთან დაკავშირებულ მიმწოდებლის მიერ გაწეულ ყველა ხარჯს, მათ შორის კანონმდებლობით გათვალისწინებულ ყველა გადასახადს..

4. შესყიდვის ობიექტის ხარისხი

4.1 მიმწოდებელი პასუხს აგებს მიწოდებული საქონლის ხარისხზე და ამ სფეროში არსებულ ნორმებთან შესაბამისობაზე, ხოლო შემსყიდველი უფლებამოსილია ჩაატაროს ხარისხის კონტროლი და თუ მიწოდებული საქონელი აღმოჩნდება უხარისხო/წუნდებული შემსყიდველი უფლებამოსილია წარუდგინოს მიმწოდებელს დასაბუთებული რეკლამაცია, რის შემდეგაც მიმწოდებელი ვალდებულია 1 სამუშაო დღის ვადაში უზრუნველყოს მითითებული საქონლის ახლით შეცვლა.

5. მიწოდების წესი

5.1 საქონლის მიწოდება უნდა განხორციელდეს ეტაპობრივად, საჭიროებიდან გამომდინარე, წინასწარი შეკვეთის მიხედვით, ხელშეკრულების გაფორმებიდან 2021 წლის 31 დეკემბრის ჩათვლით. მისაწოდებელი საქონლის დასახელება და რაოდენობა განისაზღვრება შემსყიდველისაგან წინასწარ მიღებული შეკვეთის საფუძველზე. შეკვეთა განხორციელდება სამუშაო დღეს და მიწოდება უნდა მოხდეს არაუმეტეს მომდევნო სამუშაო დღისა (შეკვეთა შეიძლება განხორციელდეს ელექტრონული ფოსტის მეშვეობით).

5.2 მიწოდება უნდა განხორციელდეს ააიპ ქალაქ ქუთაისის ბაგა-ბაღების გაერთიანების 37 ფილიალში დანართი #2 - ში მითითებულ მისამართებზე, რომელიც წინასწარ განისაზღვრება შეკვეთის დროს.

6. შესყიდვის ობიექტის მიღება-ჩაბარების წესი

6.1. მიწოდებული საქონელი მიღებულად/ჩაბარებულად ჩაითვლება მიღება-ჩაბარების აქტზე უფლებამოსილი პირების ხელმოწერის შემდეგ.

6.2 „მიმწოდებელი“ შეკვეთილი საქონლის ბაგა-ბაღების გაერთიანების ფილიალებში მიტანისას წარადგენს სასაქონლო ზედნადებს, რომელიც ხელმოწერით უნდა დაუდასტუროს გაერთიანების ფილიალის უფლებამოსილმა პირმა, რის საფუძველზეც თვეში ერთხელ გაფორმდება მიღება-ჩაბარების აქტი.

6.3. ააიპ ზაგა-ზაღების გაერთიანების-ს მხრიდან მიღება-ჩაბარების აქტს ამტკიცებს გაერთიანების დირექტორი დავით წიტიშვილი.

7. ანგარიშსწორების ფორმა და გრაფიკი (ვადები)

7.1 ანგარიშსწორების ფორმა იქნება უნაღდო, ლარებში.

7.2 ანგარიშსწორება მოხდება ეტაპობრივად, ფაქტიურად მოწოდებული საქონლის შესაბამისად გაფორმებული მიღება-ჩაბარების აქტის, სასაქონლო ზედნადების და დ.დ.გ-ს ანგარიშფაქტურის (კანონით გათვალისწინებულ შემთხვევაში) საფუძველზე.

7.3 ანგარიშსწორება განხორციელდება შესრულების დამადასტურებელი დოკუმენტის გაფორმებიდან (შესყიდვის ობიექტის მიღება-ჩაბარებიდან) 10 (ათი) არაუმეტეს სამუშაო დღის განმავლობაში.

8. ხელშეკრულების პირობების გადასინჯვის შესაძლებლობა

8.1 არავითარი ცვლილებები ან გადახრა ხელშეკრულებაში არ დაიშვება ორივე მხარის მიერ ხელმოწერილი წერილობითი შესწორებების გარდა. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398 – ე მუხლით გათვალისწინებული შემთხვევებისა. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.2 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანდ და არც ნაწილობრივ არ უნდა გადასცეს სხვა სუბიექტს მოცემული ხელშეკრულებით გათვალისწინებული თავისი ვალდებულებები.

8.3 ხელშეკრულების შესრულების პროცესში რაიმე ხელის შემშლელი გარემოებების წარმოშობისას მხარეებმა ურთიერთობა უნდა მოაგვარონ წერილობითი შეტყობინების გზით.

მუხლი 9. ხელშეკრულების პირობების შეუსრულებლობა

9.1 დაუძლეველი ძალის გარდა „მიმწოდებლის“ მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები: – ხელშეკრულების თვითნებურად შეწყვეტის შემთხვევაში მიმწოდებელი გადაიხდის ხელშეკრულებით გათვალისწინებული თანხის 30%-ის ოდენობით.

9.2 ხელშეკრულებით გათვალისწინებული პირობების დაგვიანებით შესრულებისათვის ან/და არაჯეროვანი (არაჯეროვან შესრულებად ჩაითვლება: 1. როდესაც მოწოდებული პროდუქცია არ შეესაბამება ხელშეკრულებით გათვალისწინებულ ტექნიკურ და ხარისხობრივ მაჩვენებლებს. 2. მოწოდებული პროდუქცია ნაკლებია შეკვეთილი პროდუქციის მოცულობაზე) შესრულებისთვის ყოველ ვადაგადაცილებულ დღეზე მიმწოდებელს დაეკისრება საჯარიმო თანხის გადახდა ხელშეკრულების ჯამური ღირებულების 0.1%-ის ოდენობით.

9.3 იმ შემთხვევაში თუ საჯარიმო სანქციების ჯამური თანხა გადააჭარბებს ხელშეკრულების ღირებულების 1%-ს, „შემსყიდველს“ უფლება აქვს შეწყვიტოს ხელშეკრულება;

9.4 ამ ხელშეკრულების 9.3 და 9.7.1 მუხლის მოთხოვნათა შესაბამისად, ხელშეკრულების სრული ან მისი ცალკეული პირობის მოქმედების შეწყვეტის შემთხვევაში, მხარეს რომელმაც არ შეასრულა ხელშეკრულებით ნაკისრი ვალდებულება დაეკისრება პირგასამტეხლო ხელშეკრულებით გათვალისწინებული თანხის 30%-ის ოდენობით მეორე მხარის სასარგებლოდ.

9.5 ხელშეკრულების პირობების შეუსრულებლობისათვის, „მიმწოდებელი“-ს დაჯარიმების შემთხვევაში, „შემსყიდველი“ იტოვებს უფლებას ფაქტიურად მოწოდებული საქონლის ასანაზღაურებელი თანხა არ გადარიცხოს მანამ, ვიდრე „მიმწოდებელი“ არ გადაიხდის საჯარიმო თანხას და გადახდის დამადასტურებელი დოკუმენტის ასლს არ წარადგენს გაერთიანებაში.

9.6 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისადმი.

9.7 ხელშეკრულების შეწყვეტა მისი პირობების შეუსრულებლობის გამო:

9.7.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

9.7.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს დაუყოვნებლივ.

9.7.3 ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან.

10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ მისი ვალდებულებების შეუსრულებლობა არის ფორს-მაჟორული გარემოებების შედეგი.

10.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებათა მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. სადაო საკითხების გადაწყვეტა

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს, საქართველოს მოქმედი კანონმდებლობის შესაბამისად.

11.2 „შემსყიდველი“ უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში

12. ხელშეკრულების მოქმედების ვადა

12.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და ოცდაათი კალენდარული დღით აღემატება საქონლის მიწოდების ვადას.

12.2 ხელშეკრულება შედგენილია ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან, 1 (ერთი) პირი „მიმწოდებელთან“ და 1 (ერთი) პირი „შემსყიდველთან“.

13. მხარეთა რეკვიზიტები და ხელმოწერები

„შემსყიდველი“	„მიმწოდებელი“
ქალაქ ქუთაისის მუნიციპალიტეტის ააიპ ზაგა- ზაღების გაერთიანება “ მის: ქ. ქუთაისი, რუსთაველის 3 ხაზინის ერთიანი ანგარიში ქალაქ ქუთაისის მუნიციპალიტეტის ააიპ ზაგა- ზაღების გაერთიანების დირექტორი დავით წიტაიშვილი -----	

აიკ ქუთაისის ბაგა-ბაღების გაერთიანების ფილიალები

ფილიალის N	ფილიალის მისამართი	ფილიალის N	ფილიალის მისამართი
1	ახლაგაზრდობის #104ა	19	თაბუკაშვილის №207
2	გაპონოვის მე-1 შეს №5	20	ნიკეას №56
3	წერეთლის №142	21	თაბუკაშვილის №185
4	დავითაშვილის შესახვევი 2 #1	22	მიქელაძე –მეველეს მე-3 შეს. №15-ა
5	ზ. ჭავჭავაძის №2-ა	23	ასათიანის №119ა
6	ავალიანის №18	24	კიკვიძის მე-3 შეს. №4
7	ხარებავას №7ა	25	ხორავას №8
8	სულხან-საბას №63-ა	26	კოლუაშვილის №5
9	გუგუწავას №15-5ა	27	ნიკეას მე-2 შეს. №14
10	ირ. აბაშიძის №17-გ	28	თაბუკაშვილის №26
11	ნიჟარაძის №21	29	ჩეჩელაშვილის 24
12	მაისურაძის №7	30	ლესელიძის №89
13	ბუხაიძის მე-2 მიკრ. №8	31	ნიკეას №1-9ა
14	ტყაბლაძის №3	32	ჩანჩიბაძის №12
15	ბუხაიძის №7ა	33	ჩკალოვის №3
16	ევდოშვილის №83	34	ლერმონტოვის №2
17	ბუხაიძის მე-2 მიკრ №14	35	ახალგაზრდობის მე-5 შეს. №3
18	ნიკეას №34-ა	36	სულხან-საბას №25ა
		37	ტოლსტოის №3